

**JAMHURI YA MUUNGANO WA TANZANIA
OFISI YA RAIS
TAWALA ZA MIKOA NA SERIKALI ZA MITAA**

MKOA WA MARA

Simu Na.028-2622005/ 2622004/ 2622305
Fax Na.028-2622324/2622764
E-mail: ras.mara@tamisemi.go.tz



**OFISI YA MKUU WA MKOA
S.L.P. 299,
MUSOMA,
TANZANIA**

Kumb. Na. FA.9/210/01/18

04 Januari, 2017

Mkurugenzi,
**Halmashauri ya Manispaa ya Musoma,
S.L.P. 194,
MUSOMA.**

Mkurugenzi,
**Halmashauri ya Mji wa Tarime,
S.L.P. 45,
TARIME.**

Mkurugenzi,
**Halmashauri ya Mji wa Bunda,
S.L.P. 219,
BUNDA.**

Wakurugenzi Watendaji,
Halmashauri za Wilaya za
**Bunda, Tarime,
Serengeti na Musoma.**

**YAH: MWALIKO WA KUSHIRIKI MAFUNZO ELEKEZI KWA
WAHESHIMIWA MADIWANI**

Tafadhali rejea mada tajwa hapo juu.

Mradi wa Uimarishaji Mifumo ya Sekta za Umma (PS3) chini ya utaalam wa Chuo cha Serikali za Mitaa-Hombolo utaendesha mafunzo elekezi kwa

Waheshimiwa Madiwani wote wa Halmashauri ya Manispaa ya Musoma, Mji wa Tarime, Mji wa Bunda, Halmashauri ya Wilaya ya Musoma, Wilaya ya Bunda, Wilaya ya Serengeti na Halmashauri ya Wilaya ya Tarime. Mafunzo tajwa yamepangwa kufanyika kwa wakati mmoja katika vituo vitatu ambavyo ni ukumbi wa **Uwekezaji ulipo** katika Ofisi ya Mkuu wa **Mkoa wa Mara - Musoma**, ukumbi wa **Manispaa ulipo** katika Ofisi ya **Halmashauri ya Manispaa - Musoma** na ukumbi wa **Balili Rock Resort - Bunda**. Mafunzo yamepangwa kufanyika tarehe 10 hadi 11 Januari, 2017 kuanzia saa 2:00 asubuhi hadi saa 11:00 jioni.

Unaalikwa kuhudhuria mafunzo hayo na wataarifu Madiwani wa Halmashauri yako kuhudhuria mafunzo hayo muhimu. Aidha, waruhusu Mkuu wa Idara ya Utawala wa Halmashauri na Mratibu wa Mradi wa PS3 wa Halmashauri wahudhurie mafunzo hayo katika ukumbi unaoneshwa kwenye jedwali lifuatalo.

Na	Halmashauri	Ukumbi wa Mafunzo
1	Musoma MC, Musoma DC na Bunda TC	Uwekezaji ulipo katika Ofisi ya Mkuu wa Mkoa wa Mara - Musoma
2	Bunda DC na Serengeti DC	Balili Rock Resort - Bunda
3	Tarime DC na Tarime TC	Manispaa ulipo katika Ofisi ya Halmashauri ya Manispaa - Musoma

Gharama za usafiri kutoka kituo chako cha kazi hadi eneo la mafunzo na kurudi, pamoja na posho ya kujikimu kwa viwango vya Serikali, italipwa na mradi. Inashauriwa washiriki wote (isipokuwa Wakurugenzi na Wenyeviti/Meya) kutumia usafiri wa umma na kutunza tiketi zao.


Washiriki wengine walioalikwa kushiriki kwenye mafunzo hayo ni Wakuu wa Wilaya na Makatibu Tawala wa Wilaya.

Mradi wa Uimarishaji Mifumo ya Sekta za Umma, ujulikanao kwa Kiingereza kama *Public Sector Systems Strengthening (PS3)*, ni mradi ambao unafadhiliwa na Shirika la Misaada la Marekani (USAID), nakutekelezwa na kampuni ya Abt Associates, ofisi ya Tanzania na washirika wake.

Lengo la mradi huu ni kuisaidia Serikali ya Tanzania kuimarisha mifumo iliyopo katika Sekta za Umma na Mamlaka za Serikali za Mitaa kwa kutoa

msaada wa kitaalamu/kiufundi katika uimarishaji wa mpango mkakati,
uboreshaji na utekelezaji wa huduma za kijamii.

Nakushukuru kwa ushirikiano wako.



Samson J. William

Kny: **KATIBU TAWALA MKOA
MARA**

Nakala: Mkurugenzi wa Mradi,
Abt Associates Inc. – Tanzania PS3,
S.L.P. 32444,
DAR ES SALAAM.